

دار الفنون

حقوق قانونی و ادبیات

مقوق ، اقتصادیات

ایکی آمه بر نشر اولنور

مندرجات

قسم موقی :

بورجرل قانونه نظراً (کفالت) حاجی عادل
یکی تورکیه حقوق مدنیہ سی تدقیقاتہ مدخل صاوزه رهاال (مترجلری) دانش سعید ، صدیق سامی
جمعیت اقوام وثیقہ لری (ادیب بک طرفندن ترجمہ ایدلمشدر)

قسم اقتصادری :

عثمانلی استقر اضلری ابراهیم فاضل

جمہیت اقوام و بقہ لری

نجمہ رابری [درام]

۱

حقوق دولت تطبیقات عملیہ سی ، تابعیت خصوصندہ کی قانون اختلافیہ عائد ایکی مسئلہ یہ ، دولترجہ ہان دہ بالاتفاق تصدیق ایدیان برر صورت حل بولشددر . بونلرک ، بین الملل برمقاولہ عقدیہ تنظیم ایدیہ بیللملریہ ممکن نظریہ باقیہ بیلیر :

آ — دوغوم حتی — محل تولد تابعی — وقان حتی — ابون تابعی — اساسلریہ تفرغ ایدن قانونلرک تحالفندن تابعیتہ عائد براختلاف قوانین ظہور ایتدیکی تقدیردہ ، اشبو اختلافہ باعث اولان شخص ، علاقہ دار ایکن دولندن مہانکیسنک اراضیسی داخلندہ مقیم وحقی سادہ جہ ساکن ایسہ ، اورا قانوننک صلاحیتی مطلق بر صورتدہ طائمالیدر ؛ یعنی اراضیسندہ جاری اولان قواعد موجبجہ بروایت کندی اہندہ دوغوم حتی ، (Jus soli) بی اجنبی بردولتک قان حقہ ، (Jus sanguinis) . مبتنی اولان قانوننہ ترجیح ایدرسہ ، بوصوکنجی ہیچ بروقت صلاحیتک ، محل تولد قسطنطنی تطبیق ایتدیرہن دولتک حدودی داخلندہ جریان ایلسنی طلب ایدہ من .

اشبو صلاحیتک نفی ہم شخصی ہم عینی مسائلدہ واردر ؛ مثلاً ابونیتک تابعیتندہ بولندقلری دولت حقوقی موجبجہ (ex jure sanguinis) اونک قوانینتہ تابع ، وحدودی داخلندہ تولد ایتدیکی دولتک حقوقی موجبجہ (ex jure soli) مذکور دولتک کندی قانونلریہ تابع اولان برذاتک اموالی دولایسیلہ موضوع بحث اولور . باشقہ برنقطہ نظرک قبولی ، استقلال دول اساسنہ تجویزی قابل اولامیہ حق بر طرزدہ تجاوز ایتمکہ معادلدر . بناء علیہ ، چیفتہ تابعیتہ دائر اولان احوالہ ، دوغوم حقنہ استناداً بر شخصک تابعیتندہ بولندینی دولتک دیپلوماسی حمایتی ، عینی شخصک تابعیتی قان حتی موجبجہ طلب ایدن باشقہ بردولتک اراضیسندہ جاری اولامیہ جفی عموماً قبول ایدلشددر ؛ وبالمقابلہ ابونیتک

تابع بولندقلری دولتک بر فرد حقنده دیپلوماسی حمایه‌سی، تابعیت قواعدینی دوغوم حتی موجبجه تنظیم ایتمش مسقط رأسی اراضیسنده دوام ایتمه‌میدر. اختلاف قوانین طولانیله سبب ویریلن بویختلف صور حلیه‌نک مستقلاً طائمالری احتمالی، موضوع بحث اراضی ایله فردیپیننده (اقامت و یامسکن، بر شخصک اموالک وضعیت کبی) لاعلی‌النعین بر مناسبت موجود اولدینی هر وقت، تحقق ایدر.

دیپلوماتلرک عرف و عادتق طرفندن و خارجیه امورینک مرکزی مرجعلرنجه متخذ و معتبر اصولار موجبجه تأیید ایدیلن آنف‌الذکر اساس اسپانیا ایله آرژانتین جمهوریتی بیتنده ۲۱ ایلول ۱۸۶۵ تاریخنده عقد ایدلمش اولان معاهده‌نک یدنجی ماده‌سنده ضمناً قبول اولمشدر. (قاوو، مفصل حقوق دول ترتیبی، جلد ۲ صح ۳۶ ایله زه‌بالاوس، حقوق دول جلد ۲ صح ۴۹ - ۵۱ و ۱۹۲ به مراجعت).

جیت تابعیت وقعه‌لرندن ایلری کان قانون اختلافلرینک تنظیمی استهداف ایله‌ین مقالوله و معاهده‌لرده مذکور اساسک متنده صرح دکلسه بیله سطرلرک تختنده مستتر بر صورتده موجود اولدینقی قبول ایتمک لازم‌کلیر؛ زیرا تابعیت خصوصنده طرفین، حاکمیتلرینک متقابلاً تقید ایدلملرینی تصدیق ایله‌مکه، مثلاً دوغوم حقنک نتایجی آنجق اوینجی بطنده معتبر صاییه‌جفی قبل ایتمکله اشبو مقالوله و معاهده‌لرک صرح بر استناد وجوده کتیر مدکلری هر شق ایچون منحصرراً محلی قانونلرک جریانی اساسنک باقی قاله‌جفی دخی تصدیق و تأیید ایتمش اولورلر.

ولایت محلیه‌یه رعایت اولمنی حقنده کی بوا اساس اجنبیلرک اسویچره تابعیتی اکتسابی و بر وطنینک ترک تابعیتی اصوللرینی مشعر اولان ۲۵ حزب‌ران ۱۹۰۳ تاریخلی اسویچره قانوننده دخی صرح‌در. فی‌الحقیقه مذکور قانونک آنجی ماده‌سی آتیده کی عبارتیهی حاویدر:

«اسویچره تابعیتندن ماعدا اجنبی بر دولتک تابعیتی ده حائر اولان شخصلر، مذکور دولندن، اراضیسنده مقیم بولندقلری مدتجه، اسویچره وطنیلرینه مخصوص حقوق و حمایه‌یی طلب ایده‌مزلر.»

برجوق کره‌لر، انکلتزه و آمریکا-حقوق خصوصیه دول تطبیقاتی انناسنده صکه یکمیش اولان بوا اساسی تثبیت ایتمک هر حالده فائده‌لی اولور. [وایسه مراجعت، مفصل حقوق خصوصیه دول ترتیبی، جلد ۱ صح ۲۹۵ - ۲۹۶، دیپلوماسی حمایه‌سی حقنده

آمریکا حقوق دول مؤسسہ سی طرفدن «عموم آمریکا اتحادی» جمعی مدیرینہ ۳ مارت ۱۹۲۵ تاریخندہ تقدیم ایدیلن بین الملل معاوہ لایحہ سی بوعدم مداخلہ اساسی یدنجی مادہ سندہ موجود آئیدہ کی عبارتہ ایلہ احتوا ایتکدہ در :

« دیپلوماسی طریقہ انتاجنہ تشبث اولان مطالب قبولی ، ا کر بونلرک موضوعی تشکیل ایدن فرد ، مملکتندہ اقامت عادیہ دن باشقہ احوال دن دولای عینی زماندہ مذکور مطالب تقدیم اولندیق دولت قانونلرنجہ کندی تبعہ سندن اولارق عد ایدیلورسہ قابل اولاماز . » [عموم آمریکا اتحادی جمعی ، واشینگٹونندہ ۱۹۲۵ تاریخندہ منعقد آمریکا حقوق دولنک تقنینی خصوصندہ کی اجتماعدہ موضوع بحث اولان اون آلتنجی لایحہ یہ مراجعت ، ص ۵۸]

بوعبارہ ، معین برتابعیتک اکتسابنہ کافی براساس اولامیہ جنی بدیی بولان اقامت عادیہ حادثہ سی دولایسیلہ ہرہانکی بر شخصک ، حدودی داخلندہ مقیم بولندیق دولت طرفدن تبعہ سندن عد ایدلسی ایچون اجبار واجباب ایدیلہ بیامسی کیفیتنی بعدالاستثنا دوغوم حقیلہ (Jus soli) قان حق (Jus sanguinis) آراسندہ کی بالجلہ قانون اختلافلری انواعنی محتویدر ؛ کرجہ بر فردک اقامتکاهنہ مربوطاً ایشلرینک باشلیجہ مرکزینی بر مملکتہ نقل ایتسی ، بر درجہ یہ قدر طبیعی مسکننک بولندیق دولنک تبعہ سندن اولق ایستہ مسنہ ، بوخصوصدہ کی ارادہ سنہ قرینہ ماہیتدہ کوریلہ بیلیر [۱] . فقط بوکیفقی موقت بر اقامت عادیہ یہ تشمیل ایتک دوغری اولہ ماز .

ب — ہر نہ قدر مطالعہ ایدیلن کیفیت ، ہر دولنک کندی اراضیسی داخلندہ کندی تابعیت قانونلرنی بوتون شدت لریلہ تطبیق ایتدیر مکہ قابل انکار اولیان حقندن منبعث ایدیسیہ دہ ، بداعتلری مسلم اولان مقابل اساسلرہ مسندہ انتشار وبالخاصہ خارج از مملکت حالہ و امتیازینہ مبتنی اولانلردہ بالطبع ذکر ایدلک لازمدر .

تابعیتی ناطق و مشعر اولان محلی قانونلرک ، کرک دوغریدن دوغری یہ خارج از مملکت قاعدہ سنک تطبیقندن نشأت ایدن امتیازات و مصونیتلرہ صاحب کیمسہ لرک و کر کسہ مسلکی شہندلرہ رسمی بر صقلہ صورت مخصوصدہ اعزام اولانان مأمورین ، مرخصلرو بین الملل انجمنلر اعضاسی کی متقابلیت اساسی اوزرینہ اجنبی بر حکومت نامنہ مأموراً اجرا ایتدکاری وظائف عامہ نک دوامی مدتیجہ مذکور امتیاز و مصونیتلردن مجاملہ استفادہ ایدن ذاتلرک [۱] طبیعی اقامتکامی بالطبع بوقدیردہ ایشلرینک مرکزینی نقل ایتدکی بر اولور . (ملترجہ)

محل مأموریتلرندہ دوغان چوققلرینہ شامل اولامیہ جقلری صکفی بین الممال برقاعده حالندہ وضع ونثیت ایتک ضروریدر .

مقابلیت اساسی حقوق دول مؤسسہ (institut) سنک بوبابده تنظیم ایتش اولدینی لایحهده مذکوردر . [اون بشنجی سالنامیہ مراجعت ، لایحه نك اوچنجی ماده سنک اوچنجی فقره سی] نظاماً ارسال ایدیلن دیپلوماسی مأمورلرینک و حکومتلری طرفدن کوندرلش اولان شهنیدرلرک چوققلری دائماً بابالری وطننده دوغمش کی معامله کورمه لری قبول ایدلمیدر .

بوتقدیرده ، دوغوم حق (Jus soli) اساسی مأمور مخصوصک ایفای وظیفه ایتدیکی دولتک حدودلری داخلنده جاری اولان قانونلرده اجرای تأثیرایدہ میه جکی کی ، موضوع بحث مأمورک منسوب اولدینی دولتک قانونلرندہ دخی نافذ اولاماز . دیمک که بوخصوصده - کرک اجنبی مملکتیه کرکسه بالذات کندی مملکتیه قارشى - تطبیق ایدلمسی قابل اولان آنجق مأمورک شخصی قانونیدر ، ولو که ملی قانونلری قان حق (Jus anguinis) اینه هیچ بر معتدل حکم احتوا ایتمکسرین بلاقید و شرط دوغوم حق (Jus soli) اساسی قبول ایتش بولسونلر

شخصی احکامک بوجه انشمول ماهیتی انکلیز حقوقیجہده مصدق بولنیور . [دیسه قایت : قانون اختلافلرینہ عائد تطبیقاتی محتوی انکلتزه قانون وعرفلری مجموعہ سی [۱] ، ص ۱۷۱ ، ۱۹۲۲ ؛ اجنبی دیپلوماسی مأمورینک چوجنی ، انکلیز طوبراغنده دوغماسی احتمالہ دائر ، ص ۱۸۱ ، برانکلیز دیپلوماسی مأمورینک چوجنی ، اجنبی طوبراغنده دوغماسی احتمالہ عائد قواعد .] عینی زمانده « بویوک بریتانیا تابعی و فراغت معامله لری حقنده قواعدی ناطق ، نامنده کی ۱۹۱۴ - ۱۹۲۲ انکلیز قانوننک برنجی قسم ، برنجی فصل ، آتنجی ماده و دردنجی فقره یه ، » مذکور شخصک دوغدینی زمان بدری خدمت رسمیه دولته بولندیغنه مبنی عبارہ سندهده مراجعت ایتلی [۲] .

دیپلوماسی مأمورلرینک اولادینہ دائر و محل تولد تابعینک بو کیلر حقنده لغوینی مفید صریح برقید برچوق آمریقادولنلرینک قانونلرندہ موجوددر . [بالخاصہ آرژانتین ،

[۱] Dicey - Keith, A digest of the Law of England, with reference to the conflict of law.

[۲] « British Nationality and Status of Aliens Act 1914 to 1922, Sect. 1. 1, 6, IV « his father was at the time of that persons birth in the service of the Crown. »

بره زلیا، بولیویا شیلی و غواتمالا فواینده [. تابعیت حقنده ۱۵ مایس ۱۹۲۲ تاریخلی یکی بلجیقا قانونی، ایکی ملیتدن برنی انتخابه حق اولان بر صغیرک پدرینی، بلجیقا حکومتجه مقوض بر مأموریت اجرا ایتدیکی مدتیجه اجنبی بر مملکتده ساکن اولسه دخی، حکماً بلجیقا حدودی داخلنده ساکن عد ایدیور . [سکزنجی ماده، دوردنچی فقره] دیگر طرفدن دخی، ۱۸۹۱ سنه سنده فرانسه ایله بلجیقا آراسنده منعقد مقاوله نامه ده دیپلوماسی مأمورلرینک و مرسل شهیدرلرک چوققلری، تولد ایتدکاری مملکتک قانونلرینک کنیدیلرینه تطبیقی طلب اتمه دجه ابون تابعیتی محافظه ایدر اساسی مذکور و مصر حدرد .

فرانسه عدلیه و خارجیه سی، تطبیقانه مذکور اساسک هیچ بر قیده تابع اولامیه جغفی. تصدیق ایله، پدری دیپلوماسی امتیاز و مصونیتلردن مستفید اولماسه بیله، رسمی بروظیفه نك ایفاسی ضمتنده اعزام وارسال ایدلمش و بویله جه فرانسه ده اقامته مجبور اولمش بالجه اجنیلرک چوققلرینه آف الذکر معاملیه یی تشمیل ایدیور . [واله ری، حقوق خصوصیه دول خلاصه لرینه مراجعت، ۱۹۱۴ ص ۷۷ و ۷۸] صرح بر متن موجود اولماقده برابر [متقابل لایحه لرایچون بی یه نیویه یه باقکز، حقوق خصوصیه دول خلاصه لری ۱۹۲۴، ص ۷۹ و ۸۰] هر حالده دوغوم حقنک محلی قانونلردن و تطبیقاندن مستقنا اولان کیمسه لرک چوققلرینه شامل اولامیه جغفی قبول ایدلمکده در. اشو مصونیت حکمدارلرک و علی العاده - دائمی وظیفه لر ایفایدن - دیپلوماسی مأمورلرینک، فوق العاده، [مثلاً حکومتلرینی بین الملل قوتفرانس قونفرملرده تمیل اتمک اوزره صورت مخصوصه ده ارسال اولنان مرخصلرکی] حتی معین بر مسئله ایچون احداث اولنش و یادائی اولان بین الملل محاکمه حاکم صفتی حائر اولانلرده داخل بولونمق اوزره خصوصی دیپلوماتیک مأمورلری [تحدید حدود و یا مختلط تحقیقات قومیسونلری اعضاسی، بین الملل محاکم مأمورلری . . . و الخ کی] چوققلرینه تطبیق ایدلمه لیدر. عینی اساس، بالطبع بین الملل عضویتلر طرفدن تعیین ایدیلن و یا بوکی عضویتلر نزدنده بر وظیفه رسمیه ایله موظف و مکلف بولنان مأمور و یا اجیرلرک چوققلرینه شامل و لازم التطبیق اولور .

پدرلر، دیپلوماتلره عائد امتیاز و مصونیتلردن مستفید اولماسه لر بیله ذکر ایدیلن استثنائی، مسلکدن یتشمه شهیدرلرک و شهیدرخانه مأمورلرینک چوققلرینه، و حق عمومی صورتده دیپلوماسی به منسوب اولمایان، فقط دوغوم حق، jus soli یی قبول ایدن دولت اراضیسنده مقیم اولدقلری تقدیرده، موقت اقامتکاهلرینک حدودلری داخلنده

بولونڈینی مملکتک حکومتی طرفندن طائمش و تصدیق ایدلمش بر رسمی وظیفہ ایفا ایدن بالجلہ مأمورین اجنبیہ نك چوجقلرینہ دخی تطبیق ایتک عادل اولور . دول اجنبیہ نك مأمورین عامہ لری چوجقلرینہ عائد بوطرز حل ، حقوق عمومیہ و خصوصیہ دولہ عمومآ طائمش و مرعی اولمش قواعد مبتی دکلدر ؛ بناءً علی ذلک بو خصوصی صریح بر صورتہ تنظیم ایتک ضروری اولاجقدر .

اشبو اساسک تطبیق ، امتیاز صاحبی بدرک ، مأموریتی ایفا ایتدیکی دولتک تبعہ سندن اولدینی وقت هیچ بر حالہ جائز کورولوب قبول و تصدیق اولونه ماز . بالعکس اوکا دیپلوماتلق و یا شہندراک ، عمومی برکله ایله رسمی وظائفی تفویض ایدن دولته ، یا خود اوچنجی بر دولته تابع ایسه شخصیت احکامی ، آخر بر صورتہ حکم ایدن محلی قانونلرہ ترجیحاً تطبیق ایدلملیدر .

۲

ایکینجی صنفہ داخل اولان مسائل ، داخلی قانونلرک و بین الملل عرف و عاداتک ، اختلاف لری حل ایدمه بیلمه سی و حق بوسبوتون اورته دن قالدیر می ممکن برطاق صکر بولدقلری احوالہ راجعدر . بوساحده حقوق عرفیه هنوز قطعی و نہائی اوله رق انکشاف ایتمش بروضعیتہ دکلدر ، شمذیلک آنجق بلیرن بعضی تطویرلر نحسوس اولابیلیر ؛ بر قاج استثنائی حالہ ، عمومی اساسلرک بر تصدیقہ مظهر مکتسباتدن اولدقلری بیله ادعا ایدیله بیلیرسده هنوز موضوع بحث قاعده لرک وحدتی ، شعوری بر حقوق تشکیل ایدمه بیله جک درجیہ واصل اولامامشدر . بین الملل بر تقنین ، دها رشیم حالندہ بولونان بوکی فکرلرک انکشافنه یاردم ایدمه بیلیر .

دیگر جهتدن صوک سنه لردہ ، اولی قادیلرک تابعیتہ دائر قانونلرہ ادخال ایدیلن تغیرات ، بالتذیجہ اختلاف سبیلرینی چوغالتمقدہ اولدقلرندن ، ہر حالہ حیقت تابعیت ایله وطنسزاق (Heimatosat) احتمالرینک تناقصی الجون برچارہ نك بولنامسی ضروری قیلارلر . سالف الذکر یکی اساساتک توسعه اولان طبیعی میللری دہ کوستررکہ ، بوکی احوالدن متولد اختلاف لری اورته دن قالدیر مق ضرورتی حیاتک باشلیجہ مطالباتندن نشأت ایدر .

مسائلک آتیدہ کی تصدیقی تطبیقات اصولندن مقتبس اولوب سویلہ دکاریمزک نہ کی خصوصاتہ عائد بولوندقلرینی تعداد ایدر :

آ — تابعیتك استحصالی [اکتسابی] .

ب — تابعیتك تبدیل و ضیاعی ایله سابق تابعیته رجوع .

آ . ۱ . — تابعیتك استحصالی مسائلنده اك زیاده شایان دقت بر نقطه ، داخلی قانونلك ، حق قان حق اساسی تماماً قبل ابتدکاری تقدیرده بیله ، معین بر استثنائی حالده دوغوم حق نفعه حکم ابتدکاری وضعیتلك موجود اولماسیدر . مذکور حکم ابوی مجهول اولان چوجقلك یاخود متروك چوجقلك وطنسز لافندن حصوله کله بیله جك مؤسف نتیجه لره مانع اولور . قان حق اساسنك بلاتعدیلات تطبیقنك نتیجه سی اولو متروك چوجقلك ، ثانیاً قانوناً مجهول ابویندن دوغان ، یعنی ابویته نظراً نسبدری حقوقاً اثبات ایدلمه مش اولان چوجقلك و ثالثاً ابوی معلوم فقط بونلك تابعیتی مجهول ویا غیر مثبت اولان چوجقلك وطنسز قاللریدر .

بر قاج دولتك قانونلری دوغوم حق (Jus soli) اساسی یالکز متروك چوجققلر حقنده ترجیح و تطبیق ایدن بر اصول ترویج ایدیورلر . [مثلاً ۲۹ موز ۱۹۱۳ تاریخلی آلمان تابعیت قانونك دردنجی مبحثك ایکنجی فقره سی ، ۲۳ مایس ۱۹۲۴ تاریخلی اسوچ و ۸ آغستوس ۱۹۲۴ تاریخلی نوروهج تابعیت قانونلرینك برنجی مبحث ایکنجی فقره لری .] بوقاعده نك مجهول ابویندن ویا تابعیتی مجهول ابویندن طوغان بالجله چوجققلره تشمیلی هر حالده دها عقلی و منطقی اولوردی . حرب عمومیدن صوکره باشلیجه متفق و مشترک دولتلره یونانستان ، لهستان ، چه قوسلو و اقیا و صرب خروات و اسلووین قراللی آرهنده منعقد معاهده لر ، صرف ملکت حدودی داخلنده دوغوم یوزندن اشبو مختلف دولتلرک تابعیتی ، باشقه بر اصلی تابعیت اثبات ایدمه میان هر هانکی بر یکمسه حقنده جاری اوله بیله جکنه حکم ایدیورلر . مقدا حقوق دول مؤسسه سنجه اتخاذ ایدیلن بر توصیه قرار (سالنامه ، جلد ۵ ص ۱۵۷ ؛ بشنجی جلدك برنجی قسمنده مراجعت ایدیله بیلیر) حقوق عصری تطبیقاتی طرفندن بویله جه تصدیق ایدلمش اولدی .

سالف الذکر قاعده نك قطعی اوله رق اتخاذ ایدلمش اولمسی هیچ بر وقت قان حق (Jus sanguinis) لهنه عکسکی اثبات ایتمه نك ممکن اوله میه جغنی افاده ایتز . دوغوم حقنك قسطاس اولارق قبولی آنجق اثباته قدر مقبول اولان بر قرینه تشکیل ایدمه بیلیر . فقط

بویله‌جه ، عکسی ثابت اولنجیه قاندار بوقیل چوققلرک تابعیتی تمامیه معین قالیر . (۷) حزران ۱۹۲۰ تاریخده منعقد آوستریا ایله چه قوسلووا قیا بیننده تابعیت و اقلیتلرک حمایه سی حقنده کی مقاله نامه نك بشنچی ماده سنه مراجعت اولنه) بالطبع ا کر چوققلرک طوغدینی ویا بولندی مملکتک قانونلری ، قان حق اساسنک تطبیقنه مانع ایسه ، بوانبات کیفیتی اختلافلری تجدیداید جکدر . بناءً علیه عکسفی اثبات ایدیه بیلیمک قاعده سی منحصرآ قان حق اساسنک تصدیق تامفی مفید اولان ویا هیچ اولمازسه مذکور اساسی محل تولد تابعیتی (Jus soli) قاعده سی معدل عد ایدن قانونلر حقنده تطبیق ایدیه بیلیر . بلاقید و شرط و بلااستثنا دوغوم حق اساسی قبول ایدن قوانینک ، موضوع بحث قرینه نك الفاسفی مفید اولان برائباتی قبوله متایل اوله میه جقلری طبعیدر .

شخصاً ، استثنائی حالاره عائد اولان فقط وطنسزلقدن ایلری کله بیله جک تهلکهلری اورتدن قالدیران اشبو اساسک عادلانه بر چاره حل اولوب بوصورتله عموماً قبول ایدیه بیله جکنه قائم . عملی تطبیقاتنک سیرکلکی طولایس بیلده سیاسی مانع لره چار باماسی محتملدر . عمومی اساس آئیده کی شکلده افاده اولنه بیلیر :

« البونینی معلوم اولمایانه دیا ابونینک تابعیتی مجهول دولانه موجوده ، بولندیفی یاخود طوغدینی محله جایی اولانه قانونلر بوصورنه بر اثبات استماعنه مانع اولمازلر ، دیگر بر اصلی تابعیتی هائز بولندیفی اثبات ایدیه مریکی دبویم بر مای کنمبسی دخی ایات ایدیه مریکی تقریرده ، اراضیسی داخلنده طوغدیه دامتروفا بولنسه اولندیفی دولنک تابعیتی اکتساب ایدر . »

اشبو قاعده نك ، تقنین ایچون کافی درجه ده توضیح ایتش اولان بر قاعده کی تلقی ایدلمسی لازمکله جکی ظنده میم ؛ چونکه بو بایده مختلف تشریع اصوللرینک نقطه نظرلری متفق عایددر . بو تقنین طریقله حال تشکله بولنان حقوق صرفیه یرینه قطعی وثابت بر قاعده اقامه ایدیه بیلیر .

اما بو حالده باشلیجه متفق و مشترک دولتلرله یونانستان ، لهستان ، چه قوسلووا قیا و صرب خروات اسلوون قرالافی آرمهنده منعقد مقاله نك آئیده کی صکی مرجع اولوب اولمایه جفی جای تأملدر : « تابعیت ... صرف حدود داخلنده بولنان اراضیده تولد ایتمک اعتباریله ، دیگر بر اصلی تابعیتی اولانی ثابت اوله مایان بالجه اشخاص طرفندن بحق اکتساب ایدیلیر ، [عینی زمانده ۲۰ کانون ثانی ۱۹۲۰ تاریخی لهستان تابعیت قانوننک

ایکینچی ماده سنک ایکینچی فقره سیله بشنچی ماده سنه ۹ نیشان ۱۹۲۰ تاریخی تابعیت حقنده چه قوسلورواق قانونک ایکینچی مبحثنه باقیکنز [فی الحقیقه سالف الدکر صک ۵ عیفه زمانده ابون تابعیتک معلوم اولدینی فقط کندی وطنلری قانونلرنجه اجنبی طور اغانده طوغان چوجقلرک ابونی تابعیتی حاز اولمادینی احواله ده شاملدر . (۱۳ حزران ۱۹۱۲ تاریخی تابعیت حقنده کی ایتالیان قانونک برنجی ماده سنک ، برنجی فقره و برنجی قسمنه مراجعت) .

۲ . — تابعیتک *Modo ariginario* ، اصلی صورتده اکتسابی مستلزم اولان دیکر احوالک کافه سی ایچون حقوق دول قواعدینک تألیفه مساعد اولیان سیاسی ماهیتده برطاقم مانع لر ظهور ایتدن ، اختلافلرک صور حلیه سنه عائد قواعد بولنه بیلمه سی امکانی یک شهر لیدر . بالطبع ، داخلی قانونلرله بعضی بین الملل مقاوله لرک تطبیق اتندنه ، چیفت تابعیتدن ایلری کلن مشکلاتی ازاله یه معطوف واتی وسائط بولندینی تبیین (*Constater*) ایدیله بیلیر . مثلاً ، اصلی ملت مفهومیله متناقض بولنان محل تولد تابعیتک عمومی صورتده قبولی رد ایله برابر ، دوغوم حق اعتباریله اکتساب تابعیت لهنده برحق اختیار طائیفه سی اساسی توصیه ایتدیریله بیلیر . [۱۱ حزران ۱۹۱۲ تاریخی ایتالیان تابعیت قانونک تعقیب ایتدیکی اصولی تدقیق ایدک : ماده ۷ ، تابعیت اصلیه دن فراغت] یاخود ، برملکتده جاری بولنان قانونلرجه ، اراضی داخنده دوغان کیمسه محل تولد تابعیتی تعقیبه مجبور ایسه ، اشبو دوغوم تابعیتک بالآخره رد ایدیله بیلمه سی قبول ایدن قاعده تصدیق ایدیله بیلیر .

برنجی حالده دوغوم حقنی تطبیق ایدن اراضیده جاری اولان قانونلردن باشقه قوانینک موجودیت ایله وجوب رعایتی تصدیق ایدلمش اولیور ؛ بناء علیه محلی قواعد ، قان حق اساسی مواجهه سنده و مذکور اساسک تعلیق صفتی قبول اولندینی تقدیرده ، زائل اولغه مجبوردر . ایکینچی حالده ایسه حقوق محلیه نت تطبیق ایدلمه سی لارملکه جکدر ، شو قدر که قان حق (*jus sanguinis*) لهنده ، تولد ایله اکتساب ایدیلن تابعیتک رد ایدیله بیلمه سی دولایسیله ، برقید رجوع طائیفه اولاجقدر . [۱۸ نیشان ۱۹۱۲ تاریخی بلدیچما ایله بولیویا تجارت و مخادنت معاهده سنه مراجعت ، بشنچی ماده اوچینچی فقره] نه اختیار صلاحیتی اساسک ، نه ده رد صلاحیتی اساسک حقوق دولک عموماً معتبر قواعدینه مستند اولدقلری تصدیق ایدیله بیلیر ؛ [مع مافیه زه باللوس جلد ۵ ، ص ۵۵ ۵۸ ده ذکر ایدیلن بین الملل معاهده لره و ۲۱ نیشان ۱۸۶۱ تاریخی اسپانیا - پورتیکز معاهده سنه مراجعت

ایدیکنز] حق بواساسلرہ بعضی قانونلر جہ رعایت ایدلمش اولسہ بیلہ ، تمامیلہ قان حق قاعدہ سنہ استناد ایدن دوللرک ، کندی تبعہ لری تلقی ایتدکاری اشخاصک ، بوشراط داخلندہ بولونہ جقلری مشوش وضعیتی تصدیق ایتمکله مذکور استثنالری قبولہ راضی اولمالری شہلیدر .

بالمقابلہ ہیچ برتعدیل قبول ایتمکسزین دوغوم حق (jus soli) اصولنہ مربوط اولان مملکتلر ، ولوا کتساب ایدلمش برتابعیتک رد ایدلمہ سی قابلیتیلہ افادہ اولنسون ، حاکمیتلری برقید آلتہ آلتہ میال اولمایا جقلردر . واقعاً قانونلرنده تماماً متخالف ومتضاد اصوللر تعقب ایدن بعضی دوللر آراسندہ بوبادہ انتلافلر کوریلہ بیلیرسده [مثلاً دوغوم حقک تاثیر مطلقنی قبول ایدن بعضی آمریکا جمهوریتلریلہ قان حق لہندہ بونک تمامیلہ ضدی اولان براصولی تمثیل ایدن برقاچ آوروپا دولتی آرسندہ منعقدہ مقالولر کبی - زہبالوس مفصل حقوق دول ، جلد ۵ ص ۵۵ ومتعقب] بوطرزنظیم عموماً مصدق وبوتون دنیایہ شامل اولمقدن ہنوز جوق اوزاقدرد . کذلک قان حق ایلہ (jus sanguinis) اکتساب ایدیلن تابعیتک ، اختیار قیدیلہ ، ایکنجی بطنده دشم واوچنجی بطنده زائل اولماسی اساسنک قبولیلہ مسئلہ موافق بر صورت حل بولنہ بیلہ جکی شہلیدر . [The British Nationality and Status of Aliens act] نامندہ کی انگلنز قانونسہ مراجعت ، ۱۹۱۴ - ۱۹۲۲ ، برنجی قسم ، برنجی باب ، بشنجی فصل [حقوق دول مؤسسہ سی طرفدن توصیہ ایدیلن سالف الذ کراساس (سالنامہ ، جلد ۱۵ ص ۲۷۱ ، مقررانک اوچنجی مادہ سی) برقاچ معاہدہ مذکور اولمقلہ برابر] آلمانیا وغواتہ مالا بیتندہ ۱۰ ایلول ۱۸۵۷ تاریخی معاہدہ ، اوتنجی مادہ نک دوردنجی فقرہ سی ، ایتالیا وینقاراغوا بیتندہ ۲۰ ایلول ۱۹۱۷ تاریخی تابعیت مقالولہ سی] اودخی عمومی برتصدیقہ مقارن دکلدر .

بوقواعدک عمومی برتصدیق و تصویبہ مظهر اولمالری ہر حالہ شایان آرزودر ؛ بین الملل حیاتک بوسبوتون غیرطبیعی بر حادثہ سی تشکیل ایدوب موسیو اورلاندونک غایت دوغری برتعبیرنچہ « تالیفلری برحقوچینک الک جوال ذکاشی بیلہ یوراجق برطاقم تناقضلر وجودہ کتیرن ، چیفت تابعیتدن متولدہ مشکلات واختلاطاتک ازالہ سنہ فوق العادہ دخللری اولور . فقط مضاعف تابعیتک مشکللریلہ خذورلرینی تقدیر ایتمکله برابر ، احوال حاضرہ داخلندہ بوکی مؤسف اختلافلری برطرف ایدہ بیلہ جک بین الملل براوزلاشمہ نک ، حصولی ممکن برغایہ اولدینی ہنوز قبول اولنہ ماز . نتہ کم ذاتاً رد قابلیتیلہ مختلط اولارق اختیار

اساسنك تطبيقى ، [موسيو فوشيك توصيه لرینه مراجعت ، فصل حقوق دول ، جلد ۱
ص ۸۴۵ ، نومرو ۳ و ۴] وقان حقنك معين بر بطنه قدر مقيداً دوامى (يعنى حقوق
دول مؤسسه سنك توصيه سی) سياى مانعه لره چاروب تعميم ايده مديله .

بواساسلر اوزرينه مبنى بروجہ تنظيمك عموميتله قابل اولمايه چمنى ادعا ايتيورم ؛
فقط بين الملل تطبيقندن چيقان تجربهلر، مطلوب غايه نك دها زياده چيفت تابعيتدن متولد
محدورلردن احترازاً اختيار قابليتى بك مؤثر بر چاره اولارق ا كثر يا توصيه ايدن ذوالطرفين
مقاوله لر طريقه حاصل اولاييله چكى كوسترييور. حقول دول مؤسسه سنك مذا كر اتنده
موسيو فوزينانو وموسيو وهستلق طرفندن بك حقلى اولارق اخطار ايدليكى كى
(سالنامه ، جلد ۱۵ ص ۲۳۷) قانون اختلاف لرینه مانع اولق اوزره اورتيه سورولن
هر تكليفك ، نهايت تابعيت حقنده يكماال بر قانون لايحه سنه منجر اولاجفى ده اونونماق
لازمدر . بويله بر غايه ايسه ، الحاله هذ ، بين الملل تطبيقانده حاكم بولان تمايللره مطابق
كوروتيور . عمومى برتصويه اقتران ايدم بيله چك آنحق و آنحق منفرد بعضى مسئله لردر .
۳ . — نهايت هيچ بر معين وقطى قاعده نك بر طرف ايدم مديكى چيفت تابعيت حالنك

وجودى و حقوقى وضعيتك دائماً تهرلكلى وغير ثابت اولدقلى نطر اعتباره آلهرق آتيدم كى
خصوصات ايچون بر چاره حل بولنوب بولنه مياچفى تأمل ايدمك لازمدر . چيفت تابعيته
مالك شخصك هيچ بر اعتبارله تبعه سی صابيلاميه چنى بردوات نالته ده مذكور شخصك
تابعى حقنده بر ادعا واقع اولور ؛ بوايكي تابعيتدن هانكيلى ترجيح ايديله رك متقابل
اختلافك حنده تطبيق قبول اولتيدر ؟ تابعيت حقنده رقابت ايدن دولترك حاكميت
واستقلال لرى اساسى دولاييسيله ، موضوع بحث شخصك وضعت حقوقيه سی - رقيب دولته
نظراً - طرفندن برنده مقيم ويا ساده جه ساكن اولماسيله حل ايدليكى كوردك . اقامتكم
تابعيتك ترجيح اولمى ناطق اولان بلونجلى نظريه سی (تقنين ايدلمش حقوق دوله مراجعت ،
ماده ۳۷۴) ۱۹۰۳ دن ۱۹۰۵ سنه سنه دكين وه نه زونه لالا حكملكرنده ولاهى دائمى
حكم محكمه سنجه ۱۹۱۲ ده حل ايديان قاناراه مسئله سنده تصديق ايدلمش اولماسنه رغماً
بالخاصه رقيب دولترك هر برىسى ، بر شخصك تابعيتى تبين ايچون كندنجيه مساوى اولان دلائل
ابراز ايدوب دوعربدن دوعربى به مدخلدار بولندينى اختلاف لره اطمئنان بخش دكلدر . [۱۹ كانون
اول ۱۹۱۹ تاريخلى اسويچره قونسولوسلق لرى نظامنامه سنه دخى مراجعت ، ماده ۴۹]
بالعكس بر دولت نالته نك ايكي تابعيتدن برينك رجحانى حقنده حكم ايتمه سی لازم

کلدیکی احوالده - تأثیر تامی ایکی نوع اصلی رابطة دن یالکیز برینه وبالحواله اقامتکام وطنه ، حق ایکی وطنندن هیچ بریسندنه مقیم اولمیان افراد ایچون صوک اقامتکام وطنیه اضاوه ایتک صورتیه - منابری تابعیت (nationalité alternative) اساسنده اتفاق ایدیه بیلیر . فقط بو طرز حل ، موضوع بحث احوالده منابری تابعیت اساسنک تطبیقی استلزام ایتدیکندن ، آنجق دولثا ایله مناسباتده جاری اولاییلیر ، مذکور تابعیت مسئله لرده رقابت حالده بولان دولتره بالطبع شامل دکلدر ؛ اونلره کوره چیفت تابعیت مسئله سی موجود اولماز وحق ، کنديسنی تبعه سندن عد ایدن بو دولترلر دن اراضی سندنه مقیم اولان بر شخص ، کندي قانونلرنجه وضع ایدیان حکمی معتبر طوتان دیگر رقیب بر دولت جانبنده ، اجنبیلک صفتندن استفاده یه قالدیشه ماز .

عینی فردک ، شخصیتنده تابعیتلری تجمع ایتدیریکی ایکی دولث هر برنده ، منسوبیتی دائما محلی قانونجه تنظیم ایدیلیر . اشو اساسی شخصی احکامه - Statut personnel طاند احوالده عموماً تطبیق ایدیلیر . فیورمک آتیده کی جمله سی یک حقلی اولارق بوقاعده یی اخطار ایتمکده در : «ایکی دولت آرمنده تبعه لرندن برینک چیفت تابعیتی نتیجه سنده ظهور ایدیه بیلجک اولان قانون اختلافلرینک ، بوکا سببیت ویرن شخصک اقامت ایتدیکی مملکتک یاخود منازع فیه اموالک بولندقلری مملکتک قانونلرینه نظراً حل ایدمله لری بدیهی کورونور . فقط بوایکی دولت خارجنده اقامتکاه قانونی تطبیق ایدیلیر .

ژاپون قانون مدینسک سکزنجی ماده سنده وضع ایتدیکی اساسک ، بعضی تعدیلات ایله چیفت تابعیت احوالی حل ایدیه بیلجک بوقاعده اولارق تصدیق اولنه بیلجک تخمین ایدرم . ژاپون قانون مدینسک سکزنجی ماده ، ایکنجی فقرسی متنی بوجه آتیدر : «- ژاپون اولمله برابر - براجنبی تابعیتی ده حائر اولان شخص ایماطورلق قانونلرینه تابعدر و عینی زمان ایکی دولت اجنبیه نک منسوبی حقنده ، تابعیتی الک قریب اولارق احراز ایتدیکی دولثک قانونلری جاریدر . »

بوقاعده نک ایکنجی قسمتک تعدیلی درپیش ایدمله لیدر : اگر یالکیز الک قریب اولارق احراز ایدیلن تابعیت نظرا اعتباره آئیرسه ، اصلی استحصال تابعیتدن ایلری کان اختلافلر حل ایدلمز ... بناء علیه ، علاقه دارک هر هانکی وطننده تابعیتی ، اقامتیه تأیید اولمش ایسه بو کیفیت ، قطعی بر دلیل اولارق قبول ایدمله لی واکر چیفت تابعیتی هیچ بروطننده مقیم دکلسه صوک وطنی اقامتکاه نک تابعیتی ترجیح ایدمله لیدر .